

欽定大清會典事例

欽定大清會典事例卷五百九十七

兵部

處分通例 公式一

公式。○順治年間定。官員犯笞杖等罪。分別公
私定議。公罪。笞一十者。罰俸一月。二十者。罰俸
兩月。三十者。罰俸三月。四十者。罰俸六月。五十
者。罰俸九月。杖六十者。罰俸一年。七十者。降一
級。八十者。降二級。九十者。降三級。皆留任。杖一
百者。降四級。調用。私罪。笞一十者。罰俸兩月。二
十者。罰俸三月。三十者。罰俸六月。四十者。罰俸

九月五十者罰俸一年。杖六十者降一級。七十者降二級。八十者降三級。九十者降四級。皆調用。杖一百者革職。○又定武職各官有應降一級者。准以加一級或紀錄四次抵銷。罰俸一年者。以紀錄二次抵銷。罰俸半年者。以紀錄一次抵銷。○又定武職各官有承督之案。初參援赦免。議限期又滿。仍未完結。復參者。均以

赦後起限。仍作初參處分。○又定營員議處。查明孰係專管。孰係兼轄。統轄照例議處。若處分止稱該管官者。止將專管官議處。不及兼轄統轄官。

○又定武職戴罪圖功者。或別立軍功。或將原案盜賊全獲。或遇

恩赦。均准開復。若三年內原案盜賊獲半。地方安謐者。亦准開復。如續有議降之案。以後議之日計算三年無過開復。其議處之時。例應戴罪圖功者。該員如有軍功加級紀錄及薦舉者。俱准抵銷。免其戴罪圖功。○又定旗員緣事有降級留任者。按所降幾級。即降俸幾級。應降級調用者。各按品級遞降。世爵緣事應降級留任者。亦按所降幾級。即降俸幾級。應降級調用者。每一級

罰半俸三年。二級罰半俸六年。降級多者照此。遞加俟罰俸扣完之日。再行升轉。若世爵兼有文武職任。所犯由職任得者。不論世爵大小。皆就職任議處。不由職任得者。世爵大就世爵議處。職任大就職任議處。○又定旗員參領以下及領催人等。於本任內應辦之事。果能奮勉。例應議敘者。由部將鈐印號紙分發各旗都統。遇有應行紀錄者。即於號紙內書明事蹟。用旗印鈐蓋。給予該員收執。於歲終彙奏。若奉

特旨賞給紀錄。或由部議敘紀錄。亦於歲終彙奏。造

冊咨部存案紀錄積至四次者准作加一級。○
又定武職各官緣事降級留任及降級照舊管
事者三年無過開復革職留任者四年無過開
復其降級留任者三年內復有降級留任之案
以後降之日為始計滿三年開復革職留任者
四年內復有革職留任之案以後革之日為始
計至四年開復。○康熙二十三年覆准武職各
官有議處之案到部或專本題准或彙本題覆
宜分別辦理以昭畫一。如盜案錢糧處分例應
革職降調者逐案專本題覆若例止降俸降職

降革留任罰俸戴罪督催等項。入半月彙本題覆。其錢糧案內。如馬政驛站之類。有造報違限。並分數未完之文職。經督撫題參到部者。本部毋庸具題。將該督撫所參違限月日。及未完分數。移咨吏部議處。至本部應入彙題之案。係本月內到者。於次月內兩次彙題完結。其中或情節未明。應駁詰者。即具稿咨查。俟覆到日再議。

○又覆准現任千總把總及功加效用各官。有病故及老疾告退者。皆先行報部。將原劄繳銷。於年終彙題。若續有議處之案。覈明應免議者。

即予免議。○二十六年議准旗員本身出征因軍功所得世爵。若犯賭博宿娼初責以上罪者。即議黜革。雖有襲次。不准承襲。其餘所犯之罪。應黜革者。免其黜革。永停半俸。俟身故後。仍准子孫按次承襲。支食全俸。若本身效力隨衆所得世爵。緣事應黜革者。即議黜革。雖有襲次。不准承襲。至父祖所得世爵。承襲之子孫。緣事應黜革者。即應黜革。查明應襲之人承襲。○三十九年議准提鎮關繫重大緊要之事。例應議處者。仍照定例議處。至裁汰戀職未經查出遲延

開復與丁憂違限未經咨報及一應無關緊要之事。並定例內未經開載。應比照督撫之例。罰俸一月至六月者。皆免議處。○四十二年議准。官員已經革職。有前任之事到部議處。必將應降應革。分析題明註冊。不得止以毋庸再議。一概抹銷。儻革職之案。辯明開復。仍將前任之事逐一查明。如有應革之罪。不得即予開復。有應降級者。即照原官議降。有應罰俸者。議於補官日罰俸。○又議准。已經革職各官。除重大事情。仍照例議處題明註冊外。其餘原任內所有事。

故皆免議處。○又覆准升任降調裁汰給假丁憂解任武職各官。如遇原任之事有應罰俸者。升任官於新任內議罰。降調官於降補任內議罰。裁汰給假丁憂解任官。於補官日議罰。至初任官有應罰俸者。於到任日議罰。○雍正元年覆准武職各官以暴虐被參者。遇

赦雖免革職。仍勒令休致。○三年

諭朕體恤臣工。凡官員辦事著有勞績者。無論大小。俱敕部議敘。其有過誤致干吏議者。亦照例處分。夫一人之身。有功有過。一官之級。有降有加。舊例官員降

級留任。停其升轉。必三年無過。方准開復。降後雖有
恩詔加級。不准抵銷。殊非以功補過。開人自新之義。
嗣後降級留任官員。遇有恩詔及議敘加級。俱准以
加一級抵銷。一級庶人皆奮勵。勉圖後效。亦鼓舞吏
治之一道也。至降級後捐納加級者。不准抵銷前案。
○又覆准武職各官。原任內有承督未完之案。
應議降俸。降級革職。及任內有承督未完之案。
應議降俸。降級革職。及罰俸三月六月九月。仍
令承督者。未滿年限之先。或別案降調離任。或
升遷離任。或保題升轉離任。皆以罰俸一年議

結若奉

特旨升調原任內承督未完之案。應議降俸降級革職者。仍照離任官例。罰俸一年完結。如止應罰俸三月六月九月者。皆各照依原任處分議結。○又議准武職各官升任後。除原任內所有軍功加級。准其隨帶外。其曾經奉

旨賞給隨帶之級及議敘並捐納所加之級。原有隨帶字樣者。仍准隨帶。其餘均改為紀錄一次。至對品調補及品級相同改補者。所有一應加級均准隨帶。○又議准八旗文武官兼世爵佐領

有犯貪汙行止不端革職者。不論何任事發。所兼之官悉行議革。其應襲之世爵佐領。該旗將應襲之人。奏請承襲。若因溺職革職者。將佐領並所兼文武之職。議革。其世爵應否存留。該旗具奏請。

旨。至奉

特旨革職。由武職內獲罪者。其所兼文職。應去應留。該部院等衙門具奏請。

旨。所兼世爵。該旗具奏請。

旨。由文職獲罪者。其所兼武職。應去應留。兵部具奏。

請

旨。若不兼文職。止由武職獲罪者。其所兼世爵應去。應留。該旗具奏請。

旨。其因公註誤止於革職者。由文職註誤革文職。仍留所兼武職及世爵。由武職註誤革武職。仍留所兼文職及世爵。若不兼文職。止以武職兼世爵者。由武職註誤革武職。仍留世爵。因公註誤降級調用者。於何職議處。即由何職降調。革職留任者。於何任議處。即停何任之俸。若所贖世爵尚有餘俸。仍行給予。再由世爵佐領揀選之。

侍衛。因家貧不能行走。經領侍衛內大臣奏退侍衛者。回旗仍在世爵佐領上行走。若因怠惰規避。行止不端。參革者。將世爵佐領悉行議革。該旗查明應襲之人。奏請承襲。○四年議准武職各官有降級留任革職留任者。計滿三年四年無過。在京旗員二品以上。在外將軍都統副都統及綠旗提督總兵官。自行奏明。准其開復。旗員大小世爵。及參領協領以下。綠旗副將以下等官。由該管大員詳查咨部。題請開復。儻不覈明。該員降罰情由。遽請開復者。罰俸六月。有

轉詳官者。將轉詳官罰俸一年。如該管大臣將該員降罰之案不行聲明。遽請開復者。罰俸一年。至本人已經呈請開復。該上司不為轉詳者。罰俸一年。已經轉詳。該管大員不為請開復者。罰俸六月。若本人隱瞞己身降罰事故。遽請開復者。罰俸一年。至旗員如總管城守尉等官。無大員統轄者。自行呈部。由部題請開復。○五年奉

旨。嗣後停俸降級革職留任之人。奉特旨升補者。將停俸降級革職留任之處。覈明奏聞。○六年奉

旨。嗣後降調革職留任之員。再有降革處分。朕復加恩寬免留任者。將後案註冊。俟前案開復。再將後案計至三年無過。准予開復。其有數案處分者。計案遞加。永著為例。○又議准武職各官裁汰告假丁憂者。補任後。准接算前俸。所有原任即升加級紀錄。准其隨帶。緣事應降應革。遇有恩赦免議。及本案審虛開復。或奉

旨。以原參之案。本屬冤抑。復還原職者。均准接算前俸。所有即升加級紀錄。亦准隨帶。如並非本案開復。及業經緣事降革。奉

旨起用者。不准接算前俸。所有即升加級紀錄。不准隨帶。○又議准八旗老病休致各官。原任內所有加級紀錄。仍行註冊。後遇議處。准其抵銷。○又覆准議處武職各官。凡例內載明加級紀錄。不准抵銷者。均於本內將原有加級紀錄與不准抵銷之例。一併聲明。若並無載明不准抵銷字樣。皆係例應抵銷。即於議以降級罰俸時。覈明該員加級紀錄。概行抵銷。至降級留任之人。原係虛降。除戴罪並承督等案。俟本案完結日。開復外。其因公註誤降級留任者。加級紀錄皆

准抵銷。至降級留任以後。捐納加級。不准抵銷。遇有

恩詔加級及議敘加級。皆准抵銷。儻被議之人。有應行抵銷。部議遺漏抵銷者。許本人詳明。將承辦官交吏部議處。若本人明知受屈。隱忍不行。詳明別經發覺。將本人加級紀錄。不准於本案改正抵銷。仍罰俸六月。○七年奉

旨。凡外任官員。因公註誤革職者。朕恐其人材尚屬可用。而罷黜之由。乃限於定例。不忍使之廢棄終身。是以格外施恩。於部議革職之時。往往酌量降旨。令其

交代後該上司出具考語送部引見。此朕愛惜人材體恤下情之意。惟是外官在任叅罰之案常多。每有先經革職奉旨來京引見之人。陸續又有別案革職者。此等官員著交部覈明。若續叅之案情罪重於前案。非係因公註誤。則不應引見。若後案仍係因公註誤。與初叅革職之案情罪相同。仍著引見。於奏摺內將該員共有處分幾案之處。聲明候旨。○又議准武職各官被叅革職發審。本案審係全虛者。皆以開復定擬。不得稱已經革職毋庸議完結。如革職發審之人。先經別案降革者。本案審虛。止將

審虛之案開復其從前降革之案不得概予開復其先經別案革職留任降革留任者本案審虛亦止將審虛之案開復於補官日將從前降革留任之案帶於新任至原參重罪審虛而該員尚有輕罪應降級罰俸者將該員原參革職之案開復按其所犯輕重應降級者降級應罰俸者罰俸原任內所有加級紀錄等項應抵銷者仍准抵銷○九年議准武職各官出征及差往屯種駐紮遇有議處之案應罰俸者准其註冊於事竣之日補行罰俸應降級留任革職留

任者。仍按年限題咨開復。應降級調用者。帶所降之級。仍留軍營效力。於事竣之日。該管官出具考語。給咨送部引。

見請

旨。應革職者。於議處本內。將應否仍留效力之處聲

明請

旨。如准留營效力。亦俟事竣之日。該管官出具考語。給咨送部引。

見請

旨。以上降革留營效力官。不必開缺。均照原官支領

俸薪等項以資養贍。○十年議准千總把總外
委等因軍功議敘職銜。遇有因公誥誤應行降
調者。如降一級將所得功加銷去一等。抵降一
級。若降級多者。照此計算。銷去功加。○十一年
奉

旨嗣後有一人而兼數任者。遇有議敘。若僅止一案。止
就一任內議敘。如遇有議處。亦止就一任內議處。將
此永著為例。○又議准武職各官升任後。遇原任事
發。應降級調用者。如係營私作弊。情罪重大。仍
於原任內議以降調。若係尋常因公誥誤。或情

罪尚輕。即於現任內議以降調。此內有旗員係營私作弊。情罪重大。於原任內議以降調者。將所兼之任一併降調。係因公註誤於現任內議以降調者。仍留所兼之任。○十二年議准內務府武職官。遇有降級調用之案。向皆議以留任。但實降之與虛降。原有輕重。未便一例辦理。嗣後內務府官員應議降級調用者。照例仍准留任外。將降一級調用者。加罰俸一年。降二級調用者。加罰俸二年。雖有紀錄。不准抵銷。○又議准參領副參領兼管佐領者。遇有因公革職之

案係參領任內之事。將參領議革。仍留佐領。係佐領任內之事。將佐領議革。所兼參領副參領。該管大員出具考語。具奏請。

旨。因公降調之案。係參領任內之事。將參領議降。仍留佐領。係佐領任內之事。如世襲佐領。按所降幾級。以罰佐領半俸議抵。如公中佐領。即行降調。如有兼銜。留其小銜。所兼參領副參領。該管大員出具考語。具奏請。

旨。至副都統以上等官。有兼佐領者。遇有因公革職之案。係副都統等官任內之事。將副都統等官

議革仍留佐領係佐領任內之事。將佐領議革。所兼副都統等官。於本內聲明請

旨。因公降調之案。係副都統等官任內之事。將副都統等官議降。仍留佐領係佐領任內之事。如世襲佐領按所降幾級以罰佐領半俸議抵。如公中佐領即行降調。如有兼銜。留其小銜所兼副都統等官。於本內聲明請

旨。○又議准武職各官。有軍功加一級者。准抵銷降二級。如遇有降一級一案。將軍功加一級抵銷。仍給還軍功紀錄二次。軍功紀錄二次者。准抵

銷降一級。軍功紀錄一次者。准抵銷罰俸一年。如遇有罰俸六月之案。將軍功紀錄一次。抵銷。仍給還尋常紀錄一次。其餘議敘加一級。或紀錄四次。或不論俸滿即升。或卓異一次。或薦舉二次者。皆准抵銷降一級。薦舉一次。或紀錄二次者。皆准抵銷罰俸一年。紀錄一次者。准抵銷罰俸六月。至軍政應議各官。雖任內先有薦舉紀錄卓異。不准抵銷。亦不准隨帶。若軍功加級。及別項加級紀錄。不准抵銷。仍准隨帶。再議處。控欠錢糧各官。任內有軍功及錢糧全完加級。

紀錄者准其抵銷別項加級紀錄不准抵銷。○
又議准武職各官有紀錄一次者抵銷罰俸六
月。如任內有紀錄一次罰俸僅三月者徑行罰
俸仍留紀錄。若罰俸一年銷去紀錄一次抵罰
俸六月仍罰俸六月。餘均照此扣算。○十三年
議准八旗武職有應叅劾者該管大員開具事
由奏請交部。其應革職治罪者由部覈實請
旨。○又議准八旗在京驍騎校以下微員無級可降
者如緣事應降級留任仍議以降級留任三年
無過開復。若承督等案於事完之日開復。若有

數案仍逐案開復。至應降級調用者。如在三級
以內。行查該旗。令該管官將該員居官如何之
處。聲明報部。於議覆本內。將居官好者。議以革
職留任。三年無過開復。平常者。議以無級可降
革職。如議處之人。甫經任事。尚未定其賢否。該
管官將甫經任事之處。聲明報部。於議覆本內。
議以暫行留任。仍令該管官試看一年。如能供
職。報部註冊。於奉文試看之日。扣限起。至三年
無過開復。如不能供職。該管官即行叅革。此等
微員。於分別去留具題之後。交與都察院堂官

秉公驗看。若去留允當。即具摺奏。

聞若將應去者議留。應留者議去。或內有人材可用。或在行間曾出格效力者。都察院將情由聲明引

見至外省駐防驍騎校以下微員無級可降者。該管官於題咨之日。即將該員居官如何之處。於文內聲明。由部覆覈。將應去應留。敘入議覆本內請

旨。其有未將該員居官如何之處聲明者。由部咨查該管官。俟出具考語到日。將該管官所出考語

及應去應留之處。附入彙題請

旨。以上京外八旗無級可降微員。如一案內降調過
於三級者。即行革職。不准留任。或已經革職留
任。未經開復。又復別案降調。即行革任。如遇降
級留任之案。仍准留任。逐案開復。至綠營七品
武職。乃無級可降之員。如緣事應降級留任者。
仍議以降級留任三年無過開復。若承督等案。
於事完之日開復。若有數案。仍逐案開復。應降
級調用者。該督撫提鎮於題咨之日。即將該員
居官如何之處。於文內聲明。由部覆覈。若該員

降調之案在三級以內。於議覆本內。將居官好者。議以革職留任。三年無過開復。平常者。議以無級。可降革職。如議處之人。甫經任事。尚未定其賢否。該督撫提鎮等。將甫經到任之處。聲明報部。於議覆本內。議以暫行留任。仍令該督撫提鎮等。試看一年。如能供職。報部註冊。於奉文試看之日。扣限起。至三年無過開復。如不能供職。該督撫提鎮等。即行參革。其有題咨文內。未將該員居官如何之處。聲明者。由部咨查該督撫提鎮等。俟出具考語到日。將應革應留之處。

附入彙題請

旨。至一案內所降調之級過於三級者。即行革職。不准留任。或已經革職留任。未經開復。又遇別案降調。即行革任。如遇降級留任之案。仍准其留任。逐案開復。其千總雖係六品。遇有降二級調用之案。准照七品官之例行。

欽定大清會典事例卷五百九十八

兵部

處分通例 公式二

乾隆元年奉

旨。嗣後侍衛等差使。遇有議處。著領侍衛內大臣即行議奏。○三年議准。旗員五品以上者。遇有降革罰俸之案。該管官題參送部。其一切因人連累等事。該管官咨參送部。係降調革職者。專本題覆。係虛革虛降罰俸者。入於半月彙題完結。至六品以下等官降革罰俸之案。均令咨部議處。入於

彙題完結。○四年議准。內外旗員。遇有罰俸之案。除原有紀錄。准其抵銷外。若任內有議故加級。願改為紀錄。抵銷罰俸者。准其呈明。每級改為紀錄四次。遇有罰俸之案。照數抵銷。其抵銷所贖紀錄。於升任時數明。係隨帶之級所改者。仍准隨帶。不係隨帶之級所改者。改後抵銷過一二次。或三次者。概行註銷。若所改紀錄。並未抵銷罰俸。升任時。准以紀錄一次。帶於新任。其餘一應加級。不准改抵。○又議准。在京旗員。三品至五品。因公降革。如任內無錢糧。不清及治

罪之案者。該管大員將該員降革原案咨送都察院查覈。實屬因公者。咨回該處。由該管大員出具切實考語引

見請

旨。非係因公者。毋庸引

見。其外省駐防降級調用官。由該將軍都統副都統等。查明該員降調原案。咨送在京該旗轉咨都察院查覈。實係因公者。行文該處。將該員出具考語。咨送來京引

見。非係因公者。仍按所降之級候補。駐防革職官。除

已經在外留養者毋庸議外。如已經歸旗亦照在京旗員之例辦理。直省副將以至守備因公降調者。俟交代清楚後。該督撫提鎮出具切實考語。給文赴部。由部將該員原來之案咨送都察院查覈。實係因公者。由部將該督撫提鎮所出考語。並都察院查覈緣由聲明引

見請

旨。非係因公者。照例候補。至巡捕營副將參將遊擊都司守備。遇有因公降革。無錢糧不清及治罪之案者。該步軍統領將該員降革原案咨送都

察院查覈。實係因公者。由該步軍統領出具考語引。

見請

旨。非係因公者。降調人員咨送候補。革職者令其回籍。○又議准。一事之內有兩罪名者。不必重科。惟按罪名大者議處。至事非一案。或一時同發。或先後並發。仍逐案議處。○又議准。檢舉處分例內定有專條者。仍照例遵行外。其並無明文者。在京八旗副都統以上。在外將軍都統副都統及提督總兵官所辦事務。始或無心錯誤。或

係失察後經查出檢舉。由部將照例處分。及應否寬免之處。兩議請

旨。其餘在京八旗參領巡捕營參將以下。在外協領及副將以下。無心錯誤自行檢舉者。各按應得處分減等。如例應革職者。議以革職留任。應革職留任者。議以降四級留任。應降級調用者。議以降一級留任。應降級留任者。議以罰俸一年。應罰俸一年者。議以罰俸六月。應罰俸六月者。議以罰俸三月。應罰俸三月者免議。本人既以檢舉減等。其該管上司。均免失察處分。儻所犯

之事。係有意營私。別經發覺。希圖減等。倒提月
日。及斷罪。夫入已行論決者。雖自行檢舉。不准
減等。○又奏准。武職各官。有一人而加兩級者。
遇有處分。按其加級年月先後。依次抵銷。○又
議准。候補候選及議處之武職人員內。如有應
行呈明情節。赴部具呈。聽候批示辦理。具呈一
次之後。復行捏辭妄瀆者。概不收錄。儻實屬冤
抑。自赴都察院具呈。有應行准理者。由都察院
調取原案。詳考定例。如實屬舛錯。奏請更正。若
部內辦理未協。將堂司官奏請察議。有營私受

託等弊。都察院即行查叅。○五年議准。八旗印
房總辦俸餉。及各參領總辦事務。一年內並無
遺漏逾限者。將承辦官各紀錄一次。各佐領下
事務。三年內並無遺漏逾限者。將佐領驍騎校
各紀錄一次。領催族長應給紀錄者。註冊咨部
備案。俟得官之日給予。未得官之日。遇有過誤。
將註冊之紀錄抵銷。其應給紀錄者。該都統將
紀錄號紙給發。於年終奏

聞。咨部註冊。○又奏准。武職降級留任各官。三年內
遇有罰俸者。如將所罰之俸繳完。及按季扣完

者。免其扣除罰俸年限。計滿三年開復。革職留任各官。四年內遇有罰俸者。如將所罰之俸繳完。亦免其扣除罰俸年限。計滿四年開復。如降革留任之員。罰俸未經全完者。各按完過銀數。免其扣除罰俸月日。若全未繳完扣完。皆將罰俸日月扣除。計滿年限開復。○六年奏准直省武職各官。如被上司恃勢抑勒。許該員詳報該將軍提鎮覈參。若將軍提鎮徇庇。或自行抑勒。許該員詳報總督覈參。如總督徇庇。或自行抑勒。該員受屈難伸。及各省未經設有總督者。准

其直揭部科。至督撫親標及衛所各官。被上司恃勢抑勒。許詳報督撫覈參。若督撫徇庇。或自行抑勒。亦准其直揭部科。該部科查明揭內情辭。果有實據。即行具奏。所揭情事。關將軍總督提鎮者。交巡撫查審。關巡撫者。交總督查審。俱關督撫者。請

旨簡命查審。該上司暫免解任。審明上司抑勒屬實。照例議處。若明知上司訪款揭參。乘參本未到之先。捏砌誣揭。該部科查明情辭無據。將該員奏明解任。原揭發交總督確實查審。果係誣揭。

將該員革職。如該員被叅本罪，輕於所誣之罪者，於本罪外，仍治以誣告之罪。儻本罪重於誣告，即從重歸結。○又議准，王公所屬六品以下官，原係咨部補授，如有過犯，照例咨革。至五品以上官，有應革者，該王公據實奏叅，交部察議。入於半月彙題完結。○又議准，外省駐防官，有應議處之案，如例無專條者，係將軍都統副都統，照在京都統副都統例定議。總管副管翼領，城守尉協領參領防守尉，照在京參領例定議。佐領防禦驍騎校，照在京佐領驍騎校例定議。

其在京副參領步軍副尉有議處之案。如例無專條者。副參領照參領例定議。步軍副尉照步軍協尉定議。○七年

諭。定例官員紀錄一次。抵罰俸半年。若遇罰俸一箇月至五箇月者。因不至銷去一次紀錄。遂不准抵銷。照常罰俸。又有因兩三案並發。所罰之俸。雖至銷去一次紀錄。亦不准抵銷。但官員等有因公事黽勉。議敘紀錄。乃因所罰俸少。不至銷去紀錄。遂不准抵銷。照常罰俸。於伊等生計。亦屬無益。嗣後旗員應罰之俸。不至銷去一次紀錄者。照王等紀錄之例。暫行註冊。

俟再遇罰俸案件。合計抵銷。以示朕體恤之至意。○
又議准。世爵所得加級。後經補授別任。其品級
與世爵相等。或較小於世爵者。均准隨帶。若品
級大於世爵。將應行隨帶者。准其隨帶。應改紀
錄者。改為紀錄。至職任內先得加級。後經承襲
世爵。無論職任兼與不兼。若世爵品級與職任
相等。或較小於職任。均准隨帶。若世爵品級大
於職任。將應行隨帶者。准其隨帶。應改紀錄者。
改為紀錄。其佐領任內所得加級。後升參領以
上等官。雖仍兼佐領。亦查明應隨帶者。准其隨

帶。應改紀錄者。改為紀錄。○又議准。旗員緣事
議處。應議降一級二級。留任兼罰俸一年二年
者。除加級紀錄足抵降罰之數。准其抵銷外。如
加級紀錄不足抵降罰之數。將現有加級紀錄
抵銷。仍分別議以降級罰俸。降級之員。俟三年
無過開復。未經開復之先。即罰俸年限已滿。止
照所降之級食俸。罰俸之員。按所罰之數扣除。
○又議准。委署驍騎校護軍校。遇有議處之案。
無俸可罰。無級可降。皆以鞭責完結。罰俸一月
者。鞭一十。兩月鞭二十。三月鞭三十。六月鞭四

十。九月鞭五十。一年鞭六十。降一級留任者。鞭七十。降一級調用及降二級留任者。鞭八十。降二級調用及降三級留任者。鞭九十。降三級以上調用及革職留任者。鞭一百。仍留當差。如犯革職之案。鞭一百。革退。至領催兵丁有犯如例無專條者。亦照此鞭責。○八年奉

旨。向來在京八旗武職及外省駐防。並在京文武官員。遇有罰俸之案。准其將議敘加級。改為紀錄抵銷。惟在外文武各員。不在此例。朕思大小臣工。雖職分有大小之殊。而以功抵過。均屬一體。嗣後外省地方文

武各官。有情願將議敘加級。改作紀錄抵銷罰俸者。著照在京文武官之例。准其抵銷。○又覆准。在京八旗武職及巡捕營參將以下各官。遇有罰俸三月之案。不至銷去紀錄一次者。將罰俸之處註冊。俟再遇罰俸三月之案。合算抵銷。○十三年議准。武職各官。若因公降革。向有送都察院查覈引

見之例。徒滋弊竇。應行停止。嗣後在京旗員因公誥誤。至於降革。其中有辦事勤敏。人材可用。並無錢糧不清及治罪之案者。該管大員會同都察

院查覈。如果應行引

見。由該管大員出具切實考語。保奏引

見。外省駐防者。由該將軍都統副都統等出具切實考語。咨送各該旗覈明引

見。應去應留。均候

命下遵行。至在京巡捕營參將遊擊守備等官。如因公註誤。至於降革。其中有辦事勤敏。人材可用。並無錢糧不清。及治罪之案者。該步軍統領會同都察院查覈。如果應行引

見。由該步軍統領出具切實考語。保奏引

見應去應留候

命下遵行。○十四年奉

旨。近定因公降調人員。如以原官補用。仍將所降之級帶於新任。嗣後引見時。如經朕特旨降補者。不拘所降級數。概行註銷。不必隨帶。○又覆准。在京旗員二品以上。在外將軍都統副都統及綠營提督總兵官。遇有降革留任之案。於年限屆滿時。各開具事由咨部。由部查例題請開復。不必自行陳奏。○十六年議准。參領以下等官。辦事並無遺漏遲誤者。分別給以紀錄。原屬鼓勵旗員之意。

其一人兼數任者。即給以數任紀錄。未免過優。嗣後參領兼印房辦事。又兼佐領者。止給以參領紀錄。佐領兼印房辦事者。於印房任內給以紀錄。部院各官兼佐領者。給以佐領紀錄。其餘所兼之任。均不准重複紀錄。○十九年覆准。守備以上各官。遇有因公降調者。即以功加一等。抵銷降一級。免其降調。○二十三年

諭。正藍滿洲旗分。將年老休致原任遊擊。援引旗例請賞給正俸。具奏請旨。夫旗員與綠營官員不同。故凡條例俱有區別。近來旗員每欲為綠營官員者。蓋以

所得養廉較厚。是以止求外任。既至外任。或休或故。理宜即照綠營官員之例。嗣後旗人為綠營官員。於何任告休身故。即照伊本任辦理。永著為例。○二十年奏准。武職各官告請病假終養離任。原任內未完之案。例應住俸。停升降俸。罰俸者。俱以罰俸一年完結。其降級革職。仍按本例議處。○又奏准。派往出兵屯種駐紮官員。遇有議處之案。應罰俸降革留任降級調用者。仍照舊辦理。其應行革職者。於議處本內。將該員應否開缺。准留軍營效力支食半俸。或作為兵丁效力之

處。聲明請

旨。其奉

持旨革職。留在軍營效力者。准其支食半俸。至在辦事處有犯降革。並非進勒者。不准留營效力。若有錢糧等項未清。亦不准其歸旗回籍。○又奏准。降革官員引

見奉

旨。仍以原官補用者。將現議降革及從前降革留任。罰俸等案。俱帶於新任。引

見時奉

特旨降補者。現議本案降革處分。即行註銷。其前任
降革留任罰俸等案。仍令隨帶。其降調候補人
員。前有降級留任罰俸等案。俱帶於降補任內。
○又議准。告病丁憂休致在籍之副將以下等
官病故。毋庸特本具題。嗣後咨部註冊。按季彙
題。○二十九年

諭。向來緣事降調官員。例應引見者。俱由該督撫出具
考語送部引見。朕既覈其人之才具。亦因以覘該督
撫之鑒別屬員。法至善也。其離任候補之員。因係前
任內案件。註誤降調。本籍督撫向以非現屬之員。無

從出具考語。嗣後離任人員緣事降調。例應引見者。並著原隸之督撫一體出具考語送部引見。著為令。

○又

諭。前經降旨各省離任候補之員。有因前任案件註誤降調者。令原隸之督撫出具考語送部引見。但此等人員離任。事故不同。多有遲至二三年及數年。始行請咨赴部。其原隸上司早經更易。代任者又未悉其賢否。何從懸擬考覈。蓋由傳諭之後。部臣未經分析條例。殊多隔礙。嗣後著於該員等甫經請咨回籍時。該督撫將該員居官何如。出具切實考語。即行咨明。

本籍督撫存案。俟例應引見時。徑由本籍督撫查照原咨考語。敘入文內送部。毋庸再赴原隸上司衙門請咨註考。以昭畫一。著為令。○又

諭。向來外省題請升調人員。有前次引見未滿三年者。吏部於本內聲明。免其送部引見。蓋因其人平日政績尚優。現經大吏推擢。且經朕鑒別未久。原可毋庸再行引見。此乃體恤下僚之惠也。至於註誤人員。議降議革。本分所應得。特以事屬因公。准令送部引見。候朕量其人材。或照部議降革。或帶處分留任。仍以原官錄用。此又屬格外加恩愛惜人材之意。然其情

事則與名列升調之人判不相同。豈得援已經引見之例。嗣後凡因公註誤引見未滿三年。聲明免其引見之處。著停止。三十年奏准嗣後展參案件。如初參二參限內遇

赦即另起初參二參限期。如三參四參限內遇

赦即另起三參四參限期。滿照例議處。不准概從初參起限。又

諭。嗣後如在軍營奮勉出衆。賞給世職官員等。有罪革去職任官。其本身所兼之世職。可否仍留之處。請旨具奏。如係照常行走。計其所得功牌議給者。或原係

職官著有微勞。照例議敘所得者。有罪革去職任官。即行具奏。將世職一併革退。○三十一年

諭。吏部甄別教職佐雜。兵部之千總。俱定以六年俸滿。分別保薦留任。勒休。並令各督撫於年終彙奏。原恐督撫等或曲意姑容。致有衰庸戀棧。是以批令該部知道。以便比較查覈。蓋此等甄別年滿員弁。其列入保薦者。合例與否。俱由部覈議請旨。惟例應留任之員。該部止照督撫等所議存案。向未復加察覈。但各員弁分別留任。初次定以六年。迨下次再行甄別時。前後已有十餘年之久。其中豈無衰邁龍鍾。年歲已

逾定例之人。若該督撫等。或因循姑息。不行裁汰。該部又以向無查覈之責。聽其蒙混濫竽。殊非覈實官方之道。嗣後著各該部。遇有此等照例彙奏事件。及一切督撫等題奏。經朕批交該部知道者。將應否准駁之處。俱於年終詳細覈議具奏。○又奏准。滿洲侍衛等官。升補綠營。原任內所有軍功加級。仍令隨帶。○三十二年奏准。旗員降補。向照滿洲蒙古漢軍。應補額缺。分別辦理。若分別正從品級降補。如從一品之都統將軍。俱係統領大員。從二品之散秩大臣。並非額設之缺。自從三品至

從八品。則係王公屬下護衛典儀等官。均未便定為降補之階。嗣後旗員降補。仍以應補之缺補用。其降級留任官員。應照所降之級食俸者。均毋庸分別正從。○又議准承緝盜案限內。派委出征屯田者。均照離任官例。罰俸一年完結。盜犯交與接任官。勒限緝拏。○又議准外委官員。遇有盜案四叅限滿。應革之案。如曾經出征。得有功加紀錄者。即照降級之例抵銷。其並非軍功所得級紀。與紀錄不敷抵銷者。仍照舊革退。○三十三年

諭。內外文武各官。遇有承辦事務。如失察遲延之類。其錯誤本屬因公。自應將加級紀錄。准其抵銷。若意涉營私。而該員得藉加級紀錄為護符。吏議不能持其後。殊非黜陟公明本義。况內閣票擬。現以公罪私罪分別夾籤。獨吏兵二部所定。准抵條例。未能明晰周備。豈獨書吏得以為撞騙之媒。即堂司官亦得以高下其手。且因公者事雖重大。其情實輕。因私者事雖細微。其情實重。自來宥過無大。刑故無小。真古今不易之論。嗣後吏部兵部議處文武各官。一以公罪私罪為斷。其被議之事。本屬因公者。仍照例准抵外。其

因犯私罪。交部議處者。一概不准抵銷。庶辦公者得邀寬典。而營私者不致長姦。於澄敘官方之道。更為允協。著為令。○三十五年奏准。內外旗員。將應辦事。件推諉他人者。罰俸一年。○三十六年

諭。向來各衙門。遇有公事。動輒彼此推諉。以致遷延貽誤。最為辦公惡習。前因降旨訓飭。不啻再三。乃日久因循。此習全未悛改。蓋由司員等各分畛域。又因例限將滿。藉此行文往復。以為轉却時日之計。該堂官不能體察。遂至相沿成風。不可不通行申儆。嗣後八旗及各部院衙門。辦理公事。如有本係該旗應辦。率

行咨議部院者。即令該部院據實奏聞。附摺聲明。察議其各部院之互相推諉者。悉准此例。毋得仍蹈前轍。以重政務。○又奏准。應降營衛人員。即於降調本內。查明該員由營缺降調者。即以營缺遞降補用。由衛缺降調者。即以衛缺遞降補用。○三十

七年

諭。軍機大臣將兵部所奏經壇賞給職銜各廢員。分別案情輕重。開單進呈。覈其情節稍輕。自可准其捐復。至滿洲武職。與漢員不同。向來滿員外用。原以其素風淳樸。騎射熟嫻。足為綠營表率。伊等既經外用。自

應悉心整飭營伍。敬謹奉職。乃一得外任。或轉致漸染綠營氣習。自干叅劾。若再援棄瑕錄用之例。復許報捐。豈足以示懲創。嗣後滿洲自文員以外。其綠營武職註誤。即原案情節不重者。亦不准其捐復。○四十二年奏准。外委官遇有例應降調之案。任內無級紀可抵者。仍舊議以革退。其例應降留之案。免其離任。議以革去頂戴。以觀後效。如果操防奮勉。並無過犯。該督撫扣滿三年。報部開復。○又奉

旨。管理宗人府旗務之王公等。遇有罰俸案件。如係私

罪均罰王公俸。若係公罪。俱罰職任俸。其辦理

陵寢事務員子公等。雖無兼銜。亦係在大臣分上辦事。應照管理宗人府旗務王公之例辦理。嗣後管理

陵寢事務員子公等。除因私罪罰俸。仍罰員子公俸外。如係公罪。即照罰都統職任俸。於伊等俸祿內坐扣。著為例。○四十六年奏准。嗣後凡比照盜案降革人

員引

見時。除照部議降革及降等補用人員照例辦理外。其蒙

恩仍以原官用者。無論原議降級革職。俱將該員降

革之處。改為革職留任。俟八年無過。方准開復。再邪教滋事。貽害地方。該管官失察處分。亦一體辦理。○四十九年

諭。各省督撫等年終彙奏事件。向由軍機處將有無遲延遺漏查明具奏。原以專責成而重考覈。但該督撫等奏報發鈔後。各部院不過照常彙題存案備查。而軍機處名為彙總。實不過循例奏明。仍屬具文。於覈實辦公之道。均屬未協。即如各省拏獲命盜各案。已未結數目。及盜竊案已未緝獲。記功記過各款。該督撫等均於年終彙奏一次。此等案件。如果事隔數十

年。實在無從督緝。竟應查明的予開除。以清塵案。其餘未結未獲各款。自應分別定以處分。庶承緝之員自顧考成。俱知上緊辦理。依限完結。而督撫等亦不能以一奏了事。嗣後各督撫年終彙奏各項。均著各部院衙門詳細查數。彙送軍機處覆加考覈。於三月間彙齊。辦理具奏。如各該部有疏忽遺漏。軍機處又不能詳加覈正。經朕看出。惟軍機大臣是問。○又奏准武職官員革職復行錄用。將降罰註冊各案。帶於新任扣抵。○又奏准外省官員遇有議處案件。捐納加級紀錄抵銷者。查其上庫日期。如

在該督撫未經具題具奏出咨之前者。准其抵銷。若已在該督撫題奏出咨以後者。概不准抵銷。○又奏准武職緣事降革人員呈請捐復。毋論應准應駁。俱覈明情節。具奏請

旨遵行。至奏准捐復人員。自營衛千總以上者。帶領引

見其把總以下微弁。毋庸引

見。○又奏准伊犁駐防滿洲索倫錫伯察哈爾額魯特部落協領等官。因公罰俸。照京城護軍校驍騎校例減半坐扣。○五十一年

諭。向來在京文武官員有罰俸處分者。止罰俸銀。其俸米仍准支領。而降革留任人員。因處分較重。是以降級留任者。照所降之級支領俸米。革職留任者。停其支領。第念在京官員。多仰藉祿精以資辦公。若將俸米一併停減。當差未免拮据。其令自今以後。凡在京文武官員。有降級革職留任者。止將俸銀分別停減。其應得俸米。俱准其照原品支領。以示朕體恤臣工。祿以養廉之意。○又奏准。武職革職棄瑕錄用人員。其前任內降革留任及叅罰案件。均令帶於新任。○五十三年。

諭嗣後各該處將軍參贊等。如遇所屬人員。有貽誤地方。舞弊犯科者。自應據實參奏。若僅係年力衰邁。患病不能供職者。照例勒令休致。不得仍用特參字樣。即各省將軍督撫等。於文武各屬內。有年老患病之員。亦當一體辦理。○又

諭國初年間。內務府人數本少。職事較多。是以定例。遇有降調處分。俱係改為罰俸。免其降調。今內務府生齒日繁。堪以當差者本不乏人。其議處各員。除奉特旨留任者。自應照部院衙門之例。按其情節輕重。分別實降抵銷。以示公允。嗣後議處內務府官員。著查

照吏部處分則例辦理。其從前改為罰俸之例。即行停止。○五十四年奏准。八旗及各營驍騎校。或年力衰弱。弓馬平常。或當差懶惰。例應革退者。向係隨時具奏。嗣後有應行參奏。分別治罪議處者。仍隨時具奏。若僅年力衰老。弓馬平常。當差懶惰。應行革退者。咨部辦理。○又奏准。嗣後各省駐防及東三省察哈爾新疆等處。遇有告休革退官員。如三品總管。各城城守尉。協領參領。應令該管大臣專摺具奏。其有應行請俸者。造冊送部覈議。毋庸於摺內聲敘。其餘四五六品官

員。除應行糾叅者。仍隨時題奏外。其因老病呈請告休。及因弓馬平常當差。懶惰革退者。均令各該大臣查明咨部辦理。內有應行請俸者。亦令查明該員年歲履歷。造冊咨部覈議題請。其毋庸議給俸祿者。兵部入於半月彙題存案。該大臣毋庸復為題奏。再告休官員。於具題後即行開缺。今四品以下告休革退各員。既令該管大臣咨部辦理。亦應一面咨部。一面開缺。○五十五年奉

旨。嗣後宗室王公等兼將軍都統職任者。遇有同副都

統一律降留處分。仍照例罰俸。若處分較重。副都統應行降調者。其王公每一級著加倍罰職任俸四年。以昭平允。著為令。○五十六年

諭。向來兼管將軍副都統之宗室王公等。遇有案件。應與同事大臣等一體降調者。每降一級加倍罰該管職任俸四年。抵銷。第念同事大臣等。俱行實降。而王公等兼銜不降。仍留原任。惟罰職任俸抵銷。殊未平允。嗣後如兼銜之宗室王公等。遇有案件。同事大臣等俱經降調。著將宗室王公等各兼銜。徑行議以降級。○五十七年奏准。官員任內有部議降革留任處

分。在奉

旨改為留任之案以前者。後案開復。前案亦一體開復。如部議之案在奉

旨之案年限之內者。總以後降後革之日為始。計滿年限方准其一體開復。○又議准旗員並巡捕營官員。任內有紀錄四次。又有罰俸一月至五月。註抵者。再遇因公降級處分。仍准將紀錄四次抵銷降一級。其前議罰俸註抵銀兩。改為補行實罰。○又覆准官員遇有降罰。應行抵銷之案。先儘尋常加級紀錄議抵。再將薦舉卓異軍

功隨帶等加級紀錄。以次抵銷。如任內有加一級。或紀錄四次。而有兩三案。應行降級及應罰俸之案。同日到部者。總按其失事日期先後議抵。如係同日。先儘處分重案抵銷。○又覆准承緝盜案。應議降調之祀總。並應議降二級。降三級。調用之千總。均行令該督撫等。查明平日居官平常者。照例革退。居官好者。以經制外委降補。不准食餉。四年無過。准其支食糧餉。其候補千把總。遇有盜案處分。應議降調之案。亦照此例行。○五十九年奏准。內外升任官員。尚未引

見遇有原任內因公降調革職。並降革留任處分。參案到部。仍於原任內議處。將升補之處扣除。係在引

見之後者。即於升任內議處。其毋庸引

見各員。並換防屯田軍營出師人員。以具題奉

旨之日為斷。分別議處。至參案到部遲延。將開報遲延。並督催不力各官。照開報職名遲延例。按其月日議處。如覈其發覺日期。在升任以前。而本員並不開報。經接任官查出開報者。將升任之員。照規避例革職。○又奏准親王郡王貝勒貝

子宗室公並外藩蒙古王公等。遇有職任議處。應行降級留任者。每一級議罰職任俸一年抵銷。○又奏准升署官員未經實授。遇有降調處分。仍按原任職銜議以降調。